



UNIVERSITÄTS-  
BIBLIOTHEK  
PADERBORN

**BREVIS|| INSTRVCTIO|| AD CORROBORAN-||DOS AC  
IVVANDOS MO-||RITVROS, EOS PRAESERTIM|| qui ob  
flagitia sua, publica Iudi-||cum sententia morti ad-||dicti  
sunt:||**

**Isella, Francesco**

**Coloniae Agrippinae, 1588**

**VD16 I 344**

Articulus XII.

---

[urn:nbn:de:hbz:466:1-60044](https://nbn-resolving.org/urn:nbn:de:hbz:466:1-60044)

## 62 INSTRUCTIO AD

Via emula-  
tie addenda.

Finita hac consideratione, ostendant Fratres, se sancta quadam vri æmulatione, ipsique captiuo quodammodo inuidere, quod moritur, quomodo mortuus est eius Dominus, & tot sancti Martyres: quod tempus habet se præparandi tam præmeditatū: quod securus est, se non moriturum ex improviso, & quod habet occasione (vt diximus) gratificandi Domino Deo, B. Mariæ Virgini, Angelo custodi, Sanctis alijs, totique cœlesti Curie, qui omnes desiderant, & promouebunt eius salutem suis intercessionibus, si mortem solūm constanter & prompto animo velit sustinere.

Potest etiam his subiungi; Quod si secus fecerit illum debito suo non satisfacturum, & tanto merito priuandum: Dæmones gauisuros qui nihil aliud optant, nihil magis cupiunt, quàm perditionem eius: & cōdemnabitur cū illis ad pœnas Inferni sempiternas.

*Articulus XII.*

Christū B.  
Mariam, San-  
ctosq; om-  
nes captiui  
animam ex-  
pectare.

Admonendus est postea captiuus, vt à prædictis considerationibus oculos suos non nihil auertat, eosque ad fidem tollat, & videat, quomodo benignus

IVVANDOS MORIENTES. 63

nignus Dominus noster stat paratus, ad illum adiuuandum, quodque magno cum desiderio eius oblationem præstolatur, si voluntariè, & cum gaudio moriatur, vt patientiam eius remuneret, eique coronam æternæ vitæ imponat.

Expectare hanc oblationem Reginam cœli, vt videat effectum suæ intercessionis, qui est salus nostra. Expectare hanc Angelos, vt diligens eorum custodia tãdem suum finem sortiatur: qui est, vt salui efficiamur, & muri Hierusalem reædificentur. Expectare Sanctos, vt percipiant fructû suorum meritorum, & intercessionum, & citò compleatur numerus electorum. His ita dictis, nil aliud restat circa captiuum faciendum, quàm vt captiuus dicat:

Domine mi, gratias ago tibi, <sup>Oratio, seu</sup> quod pro tua sola infinita bonitate, <sup>vix obla-</sup> & non propter meritum meum, <sup>tio.</sup> dignatus es mihi concedere singulare hoc beneficium, & hanc mortem obire mihi præcipis, cum alioquin iustè me reprobare potuisses; cum te præter modum nimis offenderim; potuissesque me alia morte subitanea, &

im-

64 INSTRUCTIO AD  
improvisa, sine præuia præparatione,  
in mala tua gratia, hinc rapuisse. Et  
nunc oro te per eandem bonitatem  
tuam, dignare exiguam hanc pœnã  
accipere in peccatorum meorum re-  
missionem. Quia verò mors mea ni-  
hil est, in comparatione eorundem  
criminum meorum, quæ sunt infini-  
ta; dignare benignissime Redemptor  
mi, illam acceptare, per infinitum me-  
ritum sanctissimæ passionis & mortis  
tuæ; per merita quoq; benedictæ Ma-  
tris, Sanctorum Angelorum, omni-  
umque ciuium cœlestium. Doleo Do-  
mine, & quidem ex animo, quod non  
merui vitam meam alio modo pro  
obsequio tuo amittere, sanguinẽ sci-  
licet fundendo cum Sanctis Martyri-  
bus pro nominis tui confessione, aut  
pugnando contra Turcas, aliosq; no-  
stræ fidei inimicos. Sed quia indignus  
his ego sum, ecce denudò tibi hanc mor-  
tem offero, & lubens amplector, tan-  
quam peccatorum meorum suppli-  
ciũ, qui plus quod offerã non habeo.  
exiguo hoc igitur contentus esto, &  
desiderium plus dandi obsecro acce-  
ptum tibi sit; illud autem desiderium  
mihi datum augmentare in me, &  
con-

IVVANDOS MORIENTES. 65

confirmare precor ne dedigneris.

Cùm damnatus sacrificium hoc Deo nostro gratissimum obtulit, Fratres animum eius erigant, dicentes, quod ob hanc moriendi pro peccatis suis promptitudinem, ob finem offendendi Deum iam factum, & ob desiderium martyrij (si liceret) subeundi, sperare debet, se certò participem fore Sanctorum Martyrum essentialis meriti: cùm enim benignissimus Deus noster promptior sit ad remunerandum, quàm ad puniendum: si puniat desideria rerum malarum, etiam remunerabit desideria rerum bonarum. Ad huius rei fidem faciendam adduci possunt exēpla & testimonia.

*Articulus XIII*

Cùm iam damnatus sese prompto animo ad mortem obtulit, & iam sese diuinæ tradidit voluntati, operæpretium facturū sunt Fratres, si illum magis, magisque in spe confirment: ea enim virtus potissimum requiritur in hoc ultimo certamine. ad id autem utilius faciendū, adduci possunt exempla, testimonia, & similitudines sacre Scripturæ. Exemplum Davidis, boni Latronis, & aliorum. Similitudines,

Damnatus  
in spe confir-  
mandus est.

2. Reg 120  
Luc. 23.